

溫飛卿詩集箋注

卷一

溫飛卿詩集箋注


溫飛卿詩

集箋注

秀塾
草堂
原本

宣統庚戌夏五陽湖汪洵署檢





舊唐書本傳

溫庭筠者太原人本名岐字飛卿

〔新書〕庭筠
彥博孫

大中初應

進士苦心研席尤長於詩賦初至京師人士翕然推

重然士行塵雜不修邊幅能逐弦吹之音爲側豔之

詞公卿家無賴子弟衷誠令狐湣之徒相與藉飲酣

醉終日由是累年不第

〔新書〕庭筠思神速多爲人作文大中末試
有司廉視尤謹庭筠不樂上書千餘言然

私占授者已八人執政
鄙其所爲授方山尉

徐商鎮襄陽徃依之署爲巡官咸通

中失意歸江東路由廣陵心怨令狐綯在位時不爲

成名旣至與新進少年狂遊狹邪久不刺謁又乞索

於楊子院醉而犯夜爲虞候所擊敗面折齒方還揚

州訴之令狐綯捕虞候治之極言庭筠狹邪醜迹乃

兩釋之自是汙行聞於京師庭筠自至長安致書公卿間雪冤屬徐商知政事頗為言之無何商罷相出鎮楊收怒之貶為方城尉再遷隋縣尉卒

新書事聞京師庭筠偏見公卿

言為吏誣染俄而徐商執政頗右之欲白用會商罷楊收疾之遂廢卒

子憲以進士擢第弟庭皓咸

通中為徐州從事節度使崔彥魯為龐勛所殺庭皓亦被害庭筠著述頗多

新書藝文志握蘭集三卷又金筌集十卷詩集五卷漢南貞彙十卷宋志同

而詩

賦韻格清拔文士稱之

新書庭筠工為辭章與李商隱皆有名號溫李李商隱傳商隱與太原溫庭筠南郡段成

式齊名時號三十六體文思清麗視庭筠過之而俱無特操恃才詭激為當塗者所薄名宦不進坎壈終身

昔先考功令山陰時邑人曾君名益字謙注溫庭筠詩四卷曰八叉集先考功謂其用心良苦特鳩工剗剗流傳一時後歷銓曹歸里葺治雅園寄情詩酒間嘗繙閱曾注惜其闕佚頗多援引亦不免穿鑿重爲箋注廣搜博考援筆記纂凡夫割剥支離舛錯附會之說輒復隨手刪削未畢事而先考功歿世時嗣立甫五歲耳荏苒迄今年過三十濩落一無成就惴惴焉惟以隕越先業是懼去年秋從長安歸檢校篋中得先考功遺筆傷前緒之未竟撫卷不勝泫然用是鍵戶校勘會粹經史百家以至稗官小說釋典道藏諸書無不櫟括采拾所增者復得十之三四而曾注

中如漢皇迎春詞之誤釋高祖邯鄲郭公詞之誤釋
令公譌謬不一痛爲芟汰又約計十之五六凡此一皆
本諸先考功之意不敢妄生臆見因自傷少遭孤露
不獲親承庭訓縱竭區區固陋未能發明萬一顧猶
藉是編得以時誦先考功之清芬非獨欲訂正曾注
之失也續輯旣成依宋本分爲詩集七卷別集一卷
復采諸英華絕句諸本中定爲集外詩一卷而續注
焉案唐藝文志載庭筠有握蘭集三卷又金筌集十
卷詩集五卷漢南真橐十卷明焦竑經籍志亦同今
所見宋刻止金筌集七卷別集一卷金筌詞一卷竝無
八叉之目更題之曰飛卿詩集從其字也時康熙三

十六年歲在丁丑春正月長洲顧嗣立謹書於閤丘
小圃之秀野艸堂

附錄諸家詩評

全唐詩話一則

庭筠才思豔麗工於小賦每入試押官韻作賦凡八叉手而八韻成時號溫八吟

紀事作又

多爲鄰鋪假手日救數

人已而士行玷缺摺紳薄之李義山謂曰近得一聯句云遠比趙公三十六年宰輔未得偶句溫曰何不云近同郭令二十四考中書宣宗嘗賦詩上句有金步搖未能對遣求進士對之庭筠乃以玉條脫續之宣宗賞焉又藥名有白頭翁溫以蒼耳子爲對他皆類此宣宗愛唱菩薩蠻詞丞相令狐綯假其修撰密進之戒令勿洩而遽言於人由是疎之溫亦有言云

中書堂內坐將軍譏相國無學也宣皇好微行遇溫
於逆旅溫不識龍顏傲然而詰之曰公非長史司馬
之流帝曰非也又曰得非六參簿尉之類帝曰非也
謫爲方城尉其制辭曰孔門以德行爲先文章爲末
爾旣德行無取文章何以稱焉徒負不羈之才罕有
適時之用竟流落而死杜棕自西川除淮海庭筠詣
韋曲杜氏林亭畱詩云卓氏壚前金線柳隋家隄畔
錦帆風貪爲兩地行霖雨不見池蓮照水紅邠公聞
之遺絹千匹曾於江淮爲親表辱之由是改名

唐詩紀
事同

唐詩紀事二則

令狐綯曾以舊事訪於庭筠對曰事出南華

一作華
陽下同

非

僻書也或冀相公變理之暇時宜覽古綢益怒奏庭
筠有才無行卒不得第庭筠有詩曰因知此恨人多
積悔讀南華第二篇

光風亭夜宴伎有醉毆者溫飛卿曰若狀此便可以
痕面對粹胡成式乃曰粹胡雲彩落痕面月痕消又
曰擲履僊鳬起捲衣蝴蝶飄羞中含薄怒嘖裏帶餘
嬌醒後猶攘腕歸時更折腰狂夫自纓絕眉勢倩誰
描韋蟾云爭揮鉤弋手競聳蹋搖身傷頰詎關舞捧
心非效嘖飛卿云吳國初成陣王家欲解圍拂巾雙
雉叫飄瓦兩鴛飛

六一詩話一則

聖俞常語余曰詩家雖率意而造語亦難若意新語
工得前人所未道者斯爲善也必能狀難寫之景如
在目前含不盡之意見於言外然後爲至矣賈島云
竹籠拾山果瓦餅擔石泉姚合云馬隨山鹿放雞逐
野禽栖等是山邑荒僻官況蕭條不如縣古槐根老
官清馬骨高爲工也若嚴維柳塘春水慢花塢夕陽
遲則天容時態融和駘蕩豈不如在目前乎又若溫
庭筠雞聲茅店月人迹板橋霜賈島怪禽啼曠野落
日恐行人則道路辛苦羈旅愁思豈不見於言外乎

滄浪詩話一則

西崑體即李商隱體然兼溫庭筠及本朝楊劉諸公

而名之也

彥周詩話一則

段成式與溫庭筠雲藍紙詩序曰予在九江出意造
雲藍紙輒分送五十枚其詩曰三十六鱗充使時數番
猶得表相思

唐詩紀事下有待將袍襖重鈔了盡寫襄陽播諾詞

蓋龍八十一鱗鯉三十

六鱗也

三山老人語錄一則

六一居士喜溫庭筠詩雞聲茅店月人迹板橋霜嘗作
過張至祕校莊詩云鳥聲梅店雨野色板橋春效其
體也

雪浪齋日記一則

溫庭筠小詩尤工如牆高蝶過遲又蝶翎胡粉重雅背夕陽多又過蘇武廟詩云歸日樓臺非甲帳去時冠劍是丁年皆工句也

漁隱叢話一則

茗溪漁隱曰溫飛卿晚春曲一首殊有富貴佳致也

北夢瑣言二則

溫庭筠理髮思來即罷櫛綴文

庭筠又每歲舉場多爲舉人假手侍郎沈詢知舉別施鋪席授庭筠不與諸公鄰比翌日於簾前請庭筠曰向來策名者皆是文賦託於學士某今歲場中竝

無假託學士勉旃因遣之由是不得意也

唐詩紀事小異

桐薪一則

溫岐少曾於江淮爲親表櫝楚故改名庭雲字飛卿而他書或作庭筠不曉所謂溫嘗傲唐宣皇於逆旅不獨獲罪令狐綯流落而死晚矣溫貌甚陋號溫鍾馗不稱才名最善鼓琴吹笛云有絲即彈有孔即吹不必柯亭爨桐也著乾牋子今其書不傳

玉泉子一則

溫庭筠有詞賦盛名初將從鄉里舉客遊江淮間揚子畱後姚勗厚遺之庭筠少年所得錢帛多爲狹邪費勗大怒答且逐之以故庭筠率不中第其姊趙顥之妻也每以庭筠下第輒切齒於勗一日廳有客溫